

旌
易三先生集

東學
家
匪
本
印

二



人瑞翁集 下



人瑞翁集

閩中百四歲翁林春澤著

同邑後學孫昌裔較

七言律詩

歲暮寄京華舊遊



咄咄山居又一年。白衫芒屨足風烟。天寒落木疎林下。歲晏孤亭短日前。漫折野梅思遠寄。愁看隴月向人圓。三邊消息人似時句。

西江使解

雨中憶鄭繼之草堂

獨上孤亭憶草堂。野雲度峽望微茫。鷓鴣啼歇山橫雨。白鷺飛來水滿塘。病起尚緣詩思瘦。秋高偏爲客懷忙。翠旗峯下吾廬舊。何日林陰掃石牀。

●水口夜泊

驛樓殘月送溪流。山下頑雲晚未收。歲莫湖勞客夢。夜深風雨亂鄉愁。西征未返周王駿。北望空歌甯戚牛。何處野雞啼太早。孤蓬起舞舞拂吳鉤。

遊西湖淨慈寺

春深湖上水光遙。湖色春容迥自嬌。花隱禪林迷谷口。雲生官閣倚山腰。飄零杖屨逢三月。蒼莽風烟暗六橋。回首畫船歌舞地。桃源莫爲說前朝。

金山

中流鼉鼓凌空聳萬頃龍宮杳混茫今古波
濤限南北乾坤形勝表荆楊六朝花草夕陽
外兩岸風烟飛鳥傍獨酌中泠解愁結妙高
臺上足徜徉

• 秋興

層陰迢遞苦迷空八月黃沙吹朔風關塞
邊悲草木羽書昨夜過崆峒何年克汗全歸
欵此日嫖姚畫總戎千里華山堪放馬廟堂
不用賞邊功

其二

黃纛行邊劍戟雄清霜白草蕭秋容莫粘正
徹陰山月曉角長悲瀚海烽天丁軍儲肥社
鼠江南都邑鬪妖龍高城望斷風烟路回首
南天鄉思濃

其三

長河柳絮浮風條北望天山氣沈寥但使犬
原歌振旅敢聞東海悔征遼蹉跎歲月心空
壯夢寐江湖竟未掃却憶先皇全盛日諸
公染翰侍清朝

其四

天末烟塵苦不開商飈拂地早寒來滄江下
見陶潛菊荒草猶依郭隗臺北極有時還氣
象東曹退食漫遲回中宵獨步看牛斗長嘯

秋旻月色哀

月夜

中宵冷絕散晴光客思蕭然寒漏長波黯無
緣能悟主馮唐寧恨晚爲郎窮年絡繹秦關
戍拙計留連滿署香干羽兩階何日見夔龍
惟許立岩廊

聞大下還蹕

大駕傳聞自陝還青春夜色破愁顏星環北

八
極中宵正。日照東華萬井。看衛士日拋金鎖。
甲將軍。須閉玉門關。便隨畫省。夔龍後日待
彤墀。鴛鴦班。

潞河雨望

嬾雲殘雨暗滄洲。回首長安。故早秋。易水悲
歌。干白日。燕臺蹤跡落荒丘。千年光岳關人
事。五月江天送客愁。物色蕭條。行役裏。却迷
江漢一歸舟。

中秋清源公署

萬里秋光。旅夜清空。庭倚杖轉傷情。月明偏
照。干戈地。風冷。惟聞鼓角聲。東海魚龍俱寂
寞。南枝鳥鵲尚飄零。天衣欲把思無力。愁絕
長安北斗城。

行在所九日進菊

細柳風高。飛翠華。軍門九日進黃花。平生犬
馬空懷抱。歲晚漁樵未有家。霜月夜寒。明劍

人瑞齋集
戰稻梁秋盡叫鳥鴉。登高勝事可腸斷。何處
龍山天一涯。

贈王明叔移官河東

吳門暮雨憶霜憐。濟北逢君倍愴然。宣室未
能留賈傅。河東猶喜見延年。黃雲日暝虛齊
壘。白鳥風高度隴川。莫厭尚方雙舊舄。飛鳧
早晚到天邊。

宿野人土炕

清霜滿地月在天。夜隨屬車不得眠。道傍野
人土炕煖。爨下童子芻薪燃。一夢驚魂苦躑
躑。五更走馬聲喧闐。書生歲暮見兵甲。汝輩
那得安桑田。

陪諸公遊清源西郊

日薄林霏風色柔。西郊正及暮春遊。鶯花汗
漫人如醉。岸圃蒼茫翠欲流。舉目江湖同是
客。側身天地不勝憂。燕鴻南北無消息。芳草

王孫怨未休

• 華嚴寺奉飲諸公

野寺春深草色齊。僧房小飲共招携。諸天淨
土空龍象。古樹殘花落燕泥。時事多違吾性
拙。風波未定有生迷。遠公久約陶元亮。定入
廬山過虎溪。

華嚴寺留別用舊韻

經年塵土爲居齋。今日離筵復此携。雨霽鐘
清滄海月花飛。屐印綠苔泥未酬。范蠡扁舟
願苦望。周王八駿迷。我有祈招何處達。問津
羞向武夷溪。

送李道夫令曲江

大庾之南山水都。晴空一雁向平湖。地連楚
越風烟曠。天入羅浮海月孤。茂草河秋鳴去
騎。尚方他日候飛鳧。開元賢相嵩高地。莫遣
芳椒暗綠蕪。

次韻答陳天游

懶心久負水雲遊。白雁聲寒復莫秋。清夜偶
陪徐孺榻危時。合借子房籌。風塵走馬空馳
逐。江漢迷津問去留。海上波濤猶作惡。歸帆
何日向安流。

潞城答汪希周

濟北風塵秋夜別。江東旌節隔年回。萍蓬老
我憂時病戎馬。憐君濟世本三輔。凱歌還玉
輦。百年勛業上雲臺。潞河鼓角霜天冷。笑見
征衣眼獨開。

潞城軍中

燕臺一望四十里。潞水猶屯百萬兵。白雪關
山天地凍。黃塵道路鼓鼙聲。歸牛不入桃林
野。戰馬空嘶細柳營。去歲戎衣人更著。許身
深愧負平生。

寒食二首

萬里驚逢寒食節一春半是旅愁中關山芳
草年年綠榆柳新烟處處同綿上未銷千載
恨漢宮獨道五侯功悲歌猶立時堂上日莫
東風可轉蓬

其二

城邊嫋嫋柳烟低城外荒荒霧樹迷岐路出
門渾未定人家上塚各相携故山松栢江湖
泖朔漠風沙草木淒春色也驚三月暮生涯
轉愧一枝棲

田氏園觀牡丹

萬里傷春繫客懷清狂今爲看花來東風故
着繁華媚青眼聊隨爛爛開國色不嫌依散
地野情饒得放春杯宮中不見清平調自幸
無如太白石

暮春偕諸進士遊田氏園

玄圃春深灌木清米芳遙爲故人迎澗分野

水芹香。遠風捲。晴絲燕語。輕羣馬不愁淹冀。
北真龍。今見起南溟。周宣漢武。叨逢地。麟閣
滇君。竝立名。

早秋登昌平城樓

城上高山凌紫清。山城氣候早涼生。居庸南
去。蟠三晉。天壽西來。奠七陵。秋興又窮湖海
望。帝鄉獨繫古今情。登樓不道非吾土。何
處林端。蕭瑟聲。

昌平懷古

秋早邊城無伏暑。夜深庭樹起涼風。月明烏
鵲羈棲地。天迴關山感慨中。抗疏深悲劉諫
議。荒村猶祀狄梁公。年光荏苒身空寂。聊采
蘋花。慰轉蓬。

居庸關

山雄雉堞削芙蓉。遠客來時秋氣濃。風壑怒
號。嘶虎豹。雲湫洶滂。蟄魚龍。乾坤自闢華夷

限形勢真成百二重。昨夜攬槍下東海。陰山不報夕陽烽。

喜鄭繼之青野堂成

菱湖青野草堂新。萬里雙魚慰我真。錄事無貲堪寄遠。裴公未老便投身。紅塵走馬慚羈旅。滄海冥鴻咲弋人。天上春風正遲汝。白雲他日結芳隣。

夢中懷鄭繼之得江上漁舟忘歲月雪

中鶴筆似神仙之句覺而足成

塞雲飛雁下遙天。旅夜懷人入夢邊。江上漁舟忘歲月。雪中鶴筆似神仙。南宮文物思前輩。北塞風塵異昔年。木杅淒淒霜月裏。故山何處意蕭然。

旅夜

北風蕭蕭杵聲急。霜天旅味寒更清。往來戎馬一回首。此夜關山空繫情。北斗星辰光不

定南枝烏鵲夢猶驚幾回伏枕聽殘漏病骨
支願卧月明

林貞孚席上次韻

愛汝招尋笑語歡夜堂高宴聚騷壇塵踪萬
里俱爲客月色中天不自看燈下對碁陪謝
傳雪中携酒醉袁安碧山夢寐松筠老更與
相携共歲寒

喜洪鹿溪先生至京

車馬黃塵擁舊京我師相見若爲情八年兩
地江湖夢五月一窓風雨聲生死未忘吾道
重浮沉深覺世緣輕萍蓬踪跡羈孤意今夜
燈花眼倍明

秋曉候朝

遠天淨洗露華滋碧月寒光浸玉墀金闕曉
開青瑣闥鐵衣夜直羽林兒晨星影落銀河
淺朔漠風高紫塞悲聽漏不堪蕭颯意袞衣

人瑞象集
何補 聖明時

九日舟中

潞渚波光漾客舟。東行喜接故人遊。江湖汗漫黃花節。蒿荻蕭疎白雁秋。天肅風雲清海嶽。日高宮闕照燕幽。佳辰况值皇華地。自笑馮唐漸白頭。

天津夜泊

海樓鐘動暮雲停。賈客鮫人集市腥。帆影北來燕月冷。雁聲南去楚天青。往年戎馬心仍拆。長路風烟意獨醒。行色又看隨彩鷁。浮蹤端合任飄萍。

安平廟登臺

行役愁腸鬱九迴。琳宮深處晚登臺。徂徠秋水從天下。鉅野寒鳧帶日來。北望燕都清朔漠。東環瀛海接青萊。登高極目風烟迥。懷抱緣渠一好開。

送楊舍人南還

華居虎旅擁天閤。君獨遲迴司馬門。彈鋏不
須悲壯士。登壇原是賤王孫。雁聲遙度霜前
月。鷗夢初回海上村。三尺龍泉謾輕試。封侯
多少起從軍。

登太白樓

城上飛樓控混茫。謫仙風月有輝光。大觀天
地詩餘事。高出塵埃酒外狂。鳧嶧遠山明去
鳥。青徐平野入斜陽。風烟極目更懷古。歲晚
登臨引興長。

潞河舟中畱林貞孚

紅顏知我漸無緣。幾度灣頭記歲年。春色入
江惟涕泪。客程回棹又風烟。飄零雲外下孤
鳥。羞澁囊中看一錢。幸有弟兄慰岑寂。新詩
獨與病夫傳。

寒食日楊村阻風

江館沙村似去年。風波今日阻歸船。春深楊柳催寒食。野外人家不禁烟。鳳鳥寂寥悲落日。爰居飄泊下遙天。天涯風色何時定。故國青山思渺然。

山中懷高宗呂傳太虛

索居獨嘯山之中。不見美人心忡忡。鸛鶴風聲相倡和。芷蘭露冷還菁葱。北山移文祗自笑。南郭子綦誰與同。出處遲迴歲云莫。揭來

河上問行蹤

田用周邀飲西觀林。遷于黃兆見同會。碧桃錯落玄都觀。載酒招携有故人。夜雨溪山生氣象。春風冠蓋聚精神。烟霞倚劍憑高閣。江漢乘槎問去津。爲語縵山王子晉。好留笙鶴待尋真。

遊西湖六橋

青山郭外馬蹄遙。乘興看山過六橋。天淨水

光鳥鷺喜雨晴野色芰荷嬌蘇公堤上春仍
舊武穆墳頭恨不消十里烟花湖上路尋芳
懷古思飄搖

送龐將軍遊浙兼憶孫從一

故人裘馬每相憐忍對黃花惜別筵白髮交
遊半湖海青萍意氣薄雲天幽燕自古悲歌
壯吳越年來風雅賢南去好音憶孫楚看山
酒寄白雲篇

次夕復會蔡廷彝黃門用前韻

萬里羈孤寒夜月清輝仍似昨宵圓且憑斗
氣看雙劍未羨侯門食萬錢中允聲名傳左
掖杜陵衰白問羣仙十年更忍憂時淚青瑣
飛章羨汝賢

冬日游天壇次范師舜韻

小春雪色散晴烟竝馬南郊咲舉鞭今代圜
丘天地正神霄象緯斗星連笙鏞縹緲聞仙

人瑞翁集
樂冠蓋聯翩聚鳳緣。虞典周謨瞻望裏，茂陵
封禪已陳篇。

省中對雪次范師舜韻二首

景鍾聲動散啼鴉。天女回風剪六花。陸海緇
塵空色相。瑤京樓閣動光華。對君省署棲棲
地。憐我江湖處處家。想有豐年慰宵旰。不妨
衰鬢寄天涯。

其二

獨鶴不肯隨羣鴉。冰廳舞雪餐瑤花。谷意衝
寒度芳潔。窮愁泥我驚年華。翠旗峯前舊草
屋。黃金臺下非吾家。歲深獨苗侵雪盛。長鏡
白首山之涯。

左官南昌留別同省寮友

阿閣天高鳳不鳴。玄都春夢碧桃榮。南昌仙
隱尋梅尉。西漢公卿薄賈生。九折暫須迴峻
坂。餘風猶是簸滄溟。香鑪伏枕相違日。不盡

人瑞翁身
迢迢戀闕情

發潞河

去年控騎上灣頭今日灣頭復買舟
薄劣省郎歸漢署倉皇逐客下江州
生涯飄泊雲邊鳥浪跡浮沉水面漚
心事謾勞漁父問清狂不作楚騷憂

舟下楊子江

咄咄南登江上臺江頭日暮使人哀
曾聞嶺海多遷客未見風塵終棄才
返照斷虹收雨去夜潮隨月度江來
燕雲薊樹三千里天末孤臣首重迴

池上晏公橋晚泊

時初秋新月北風助帆馮東沂兄聯舟夜

坐喜作

九華山色瀨江秀日暮小橋維客舟
喜見好風從北下却驚大火又西流
炎荒不惜飄零去青眼相逢汗漫遊
看取舊時殘月魄清光

今夜復如鉤

秋夜答王曰明郡博

夜堂深坐玉繩移。寂寞孤城有所思。楚樹月
明烏鵲繞吳江。風冷雁鴻遲。飄零去國慙唐
介。邂逅知音見子期。白水青山秋色裏。不妨
棲息一枝時。

遊南山寺

艾城南擁青蓮宇。峭壁高盤祇樹林。雲磴散
花僧禮畢。石門拄杖客來深。未登臨漫到真如
境。放逐還看不住心。未許遠公結三笑。薄遊
暫過虎溪陰。

登守雲亭

一上孤亭凌縹緲。俯看萬壑散氤氳。飛蘿倒
挂青霄月。絕壁長留太古雲。修水遠隨鄱水
去。吳山近與楚山分。謫居不厭清狂興。擊石
高歌日未曛。

暮秋病中

索居伏枕卧山城。肺氣秋高苦未清。多病早
緣蒲柳質。不才晚玷縉紳名。浮雲天上溷
塵。流水灘頭日夜鳴。欲賦招魂酬宋玉。西風
蕭颯若爲情。

寄子

江湖飄泊寄浮生。千里家音倍減情。疏廣豈
無遺後念。陳羣不負起家名。回思爵祖心仍
苦。想見吾孫眼獨明。悲喜欲狂還自慰。草堂
又有讀書聲。

立春日登艾城樓

昨夜東風拂曙流。探春獨望艾城樓。乾坤物
色回生態。吳楚江山屬上游。濩落不投湘水
賦。傳伶還抱岳陽憂。美人何處梅花發。思折
南枝寄隴頭。

雙井釣臺謁黃山谷祠

犀津十里釣臺下。遠客春行薜荔叢。天落萬
峯翔紫鳳。水蟠雙井會黃龍。青山遺塚空文
藻。故里荒祠祗亂蓬。莫問涪翁南竄事。楚江
今亦照衰容。

登黃龍山

黃龍山頭雲亂飛。黃龍山下行人稀。超師卓
錫已寂寞。呂仙拔劍猶是非。尋源且挂綠玉
杖。掃石倒挂青羅衣。平生負奇笑嶼岬。汗漫
爲寄吾心微。

羽客陳玄邦雩祀得雨賦此贈之

煮石烟微白晝閒。十年憐汝卧玄關。偶緣公
府憂雲漢。獨上仙壇禮珮環。雷斧劈山轟谷
口。天瓢翻海下人間。曉來逐客開青眼。看盡
江南雨後山。

暮春答陶醒老

杜宇聲中春欲歸。客情春思又相違。眼前風

雨渾無賴。身外風塵未息機。底事三千六百
戶。自知四十九年非。與君舞罷披髯咲。日暮
青山一鶴飛。

別分寧耆舊

修江曉發木蘭橈。惆悵江頭竟未銷。一自竄
身隣虎豹。幾迴問俗到漁樵。殊方轉徙悲吾
道。病骨生還託聖朝。祇爲長沙憐賈傅。艾
城回首意迢迢。

調廬陵別駕

投荒未判死生期。又報廬陵得近移。樗散已
多丘壑病。萍流豈意廟堂知。遠山魑魅初相
避。故國星河有所思。爲念涓埃何地報。芙蓉
秋水不勝悲。

過文江釣臺懷毛中丞

釣臺南邊林壑迂。中有東塘舊隱居。欲向山
陰隨雪棹。恐教茆徑帶雲鋤。尚方不借朱雲

劍使者終求顏闔閭滄海百年銅柱表豈應
蹤跡混樵漁

荷山道中

零雨朔風催歲暮高原荒隴結愁天金門逐
客八千里塵海迷途十五年不作懷沙吟澤
畔何勞收骨向江邊亦知眼底陽春動合見
枯枝綴綠烟

宿金城觀

萬松深鎖洞霄扉谷口鐘聲一鶴歸漢非秦
花今落莫海雲山雨晚霏微清宵賸有仙遊
夢浪跡渾忘宦轍違笑道玉皇香案吏爐烟
猶帶舊征衣

還郡齋奉會周善卿用前韻

去國清愁同旅地羨君高義薄雲天風塵回
首各雙鬢雨雪逢春又一年銅柱未收滄海
外夜光豈擲暗途邊書燈更盡燕臺話茶竈

人瑞象集
頽燒楚竹烟

畚周善卿雨中種竹二首

柱下謫來惟種竹。使君久與俗相忘。一鋤斲
雨春雲動。萬玉生烟曉。色蒼歲晚虛心終。鐵
石年來高節帶風霜。同盟已托芳隣近。更喜
東亭有鳳凰。

其二

小島新移烟雨莖。招携頽許到東亭。風流阮
籍一杯足。潦倒王猷雙眼青。散地只宜渠避
俗。衰顏合與爾忘形。故園待我山窓下。亦有
清陰留戶庭。

早春同陳子虛蕭鎮之泛江

星橋曉蕩白鷗波。兩岸青山長薜蘿。春水遠
來江面闊。人烟僻處鳥聲多。流離屈宋多詞
賦。磊落鄒枚同嘯歌。東望百川應到海。仙舟
勝事合如何。

復出永新溪上

春深不出情黯然。今晨出山春更妍。野鳥前
村喚布谷。岩花宿雨開。杜鵑編輪激水田。邊
斐倒流下灘溪。上船殊方物色可憐。汝塵勞
羈旅幾忘年。

汶竹坂

禾水西登汶竹坂。雲山南望正蒼茫。水源高
處入衡嶽。山勢遠來雄豫章。吳楚風烟春已
暮。江湖放逐老猶狂。迢迢更望長沙路。落日
啼鵲悲弔湘。

重過遊仙觀

葛洪何日寄壺春。遷客重來春復新。洞口碧
桃紛錯落。天門紫氣正嶙峋。未緣瘦骨能騎
鶴。還向窮途幾問津。昨夜夢中舊仙侶。憐予
三載謫風塵。

安成途中

八玉翁集
閶闔風吹松栝林。問途又入小蒙陰。洞庭木
落楚山瘦。瀘水天寒秋色深。郡邑歲時勞病
骨。江湖日夜負歸心。安成舊是長沙路。宣室
遺賢何處尋。

再度禾川

楚岸行歌久。客邊朔風吹。水又禾川黃。牛峽
上重來路。白鷺洲前欲暮年。遠愧少陵三禮
賦。獨憐子建七哀篇。兒童解識形容在。竹馬
猶迎舊謫仙。

立春

山雨聲中寒欲盡。東風昨夜到江城。土牛村
鼓且隨俗。遠水近山偏繫情。盤菜兩京思杜
甫。菊松三徑負淵明。年來未問身歸處。天末
空憐一鳥輕。

送張菊坡還漳兼示乃子

廿年相見忍相違。嶺表唐卿苦未歸。江草江

花新客眼。山雲山雨舊征衣。龐公高義交遊
早。小阮清才子弟稀。海上青山頻夢寐。北溪
丘壑近依依。

訪毛東塘中丞新第

山郭初開綠野堂。青天飛翠落湖塘。楚江烟
雨新松菊。秦隴風沙舊雪霜。門外多逢長者
轍。樽前深醉故人觴。浮雲朱拱笑題字。遠愧
鍾繇翰墨香。

舟下豐城

曉發江城春水強。江頭春漲渺扶桑。光搖雙
劍雌雄動。翠鎖三洲龍鳳長。謝客空云拾海
月。漁人何處咏滄浪。東風滿目思芳草。帝子
閣前欲斷腸。

泊南浦

豫章城頭天氣昏。市聲舟柁競囂紛。江豚初
起江生浪。山雨欲來山出雲。司馬不逢楊得

人瑞翁集
意霸陵那識李將軍。便須移棹過南浦。獨向
汀洲采綠芬。

秋祀文山祠

青螺峰下白蘋秋。矯首文山悲故丘。松瀉寒
濤簫鼓咽。雨荒深院薜蘿幽。胡塵滿目山河
暗。正氣橫空日月流。逐客傷心臨俎豆。夕陽
荒杜滿汀洲。

登天華山

函谷青牛歲月寒。小華惆悵白雲殘。香鑪畫
省空回首。旅鬢秋霜未掛冠。何處珮環風外
響。他年龍扈鼎中蟠。便携五嶽盧敖杖。玉宇
高凭最上闌。

初度自壽次陳子虛韻

江月寒光照暮筵。東南詞客意俱仙。一時文
雅形骸外。萬里溪山笑語邊。歸鳥不須愁落
日。浮雲何事翳青天。鯢桓只在春風裏。莫待

人瑞翁集
續山野鶴翩

陳靜齋中丞招飲龍臺

千載龍蟠百尺臺。中丞今日草堂開。水光猶湧風雲氣。野色還隨杖屨來。范老江湖愁思遠。屈平詞賦壯心哀。三年兩度登龍喜。不厭商歌數舉杯。

劉質齋司寇招飲五雲樓

卿月飛輪度碧空。春深綠野見裴公。江山樓閣登臨外。閩楚風烟悵望中。畫省金爐悲故國。春城尊酒醉新豐。長沙遷客迷歸路。目斷冥冥天際鴻。

舟居茹蔬

遠想朝廷記憶疎。江湖漂泊竟何如。頻年俗吏淹塵土。多病野人甘草蔬。醉尉猶能愁李廣。迷津更欲問長沮。邇來漸喜交游熟。叔夜端居未著書。

人瑞家集
夏月陪楊几川出廬陵道中喜值陰爽
夏雲薄暑生晝陰雙旌裊裊涼動襟藉爾高
風爽颯意消此俗駕逢迎心白鷺羣嬉野塘
滿新蟬對咽槐葉深征途行行愜幽興狂夫
那惜費狂吟

得報移端州留別廬陵

海上僊人辟荔裳清秋又別楚江鄉息機遠
愧龐居士轉徙何如唐子方魚鳥邇來憐故
舊溪山他日識文章雲泥浪迹休相問回首
廬峰天漢長

携陳節甫曾宗周吳用晦陳子器陳子

誠曾子龍留別青原

江海孤槎何處還揭來留別舊青山虹橋駕
壑飛金粟花雨隨雲度祖關落落逐臣饒野
興翩翩詞客動仙班相携更上丹崖頂青眼
流觀天地間

留別歐陽石江先生

憶向石江挹清泚。滄江錦石相晶熒。碧霄子
夜升卿月。寒水中流照客星。述作久爲湖海
重。舟航還擬歲時經。風烟忽漫相違地。芳杜
滄洲逐夢青。

王臺館山行

山行亭午山霧消。山中始覺山光饒。野梅度
雲晚自嬌。岩草滋青冬不凋。南遷幾何復嶺
海北望無那思。雲霄遠遊且慰看。山興歲暮
敢云行路遙。

喜秦鳳山再起南都大司徒

海濱大老起南畿。紫鳳山頭光陸離。道重兩
都觀出處。名高八座寄安危。卽看中國相司
馬。豈獨邊陲識子儀。飄泊東曹舊門吏。嶺雲
翹首壯心馳。

羅琴山中

連峰十里綠蘿陰見說羅含此鼓琴岑寂高
山流水遠闌珊啼鳥落花深瘴鄉異代悲同
調春色遙天惜壯心我有枯桐欲携往百年
苦結子期音

喜亮兒登第

天門高擁帝城春萬里風雲動海濱南省
濫竽聞稚子北屐翹首慰孤臣光輝更覺青
霄切醉舞那知白髮新報主餘情今有托

買山初興是吾真

喜雨

六月棲棲憂思深邇來雲漢更關心青天欲
洗四郊壘滄海翻傾三日霖遠喜瘴鄉生紫
氣却看赤土散妖祲漫携如意登樓舞日暮
風生萬壑林

洗夫人祠

古祠落日聞歸燕馮家老婦名不凋娘子行

人瑞彙集
軍解破賊蠻夷有人聲動朝錦繖已與蓬蒿
沒香魂猶憑巫覡招千載高涼問遺事白雲
故國青山遙

高涼北樓新成

城北頽垣悲往事層樓此日壯孤城地蟠五
嶺炎風遠雲散千厓瘴野濤眼底豺狼看掃
穴簷間燕雀賀新成關門三老遙憐汝他日
能無說姓名

高涼南樓新成

南郭樓成俯大荒天風旌旆颯高涼山廻銅
柱搖空翠水落珠厓照夜光漫興庾公元不
淺長憂范老未能忘自今多暇倚惆悵十二
欄干南斗傍

遊海珠寺何少叅瓊黎侍御貫携酒至

尉陀海窟伏驪龍領下珠光結蕊宮日月跳
丸弱水外樓臺倒影夜明中紫薇曉躡星辰

履繡斧秋生天漢風為愛清狂共譚詠
玻璃世界是鴻濛

壽黃竹溪憲伯

昨宵華渚流虹地竹色溪光到海清
初度西山逢卷甲小春南極映長庚
百年銅柱心逾壯五嶽丹梯眼倍明
却恠疎狂老方朔食桃曾說是前生

召赴留都叅右軍事

六年塵土暗衰顏嶺表今朝喜賜環
未向天涯悲素髮且從白下看青山
侯門劍戟風雲裏聖祖關河錦繡間
我亦叅軍解蠻語蠻烟歸去復投閑

端州留別鄉先生

隴上梅花送酒杯沙邊繫纜久徘徊
一時文雅心相結千里溪山眼並開
天遠木疎鴻雁字歲深猶上鳳凰臺
黃塵碧水春風淺日暮

寒雲首重迴

次韻答倫右溪方丹山

野老自憐餘病骨。瘴江今始泛歸航。六年客
夢渾無定。一飯君恩未敢忘。廊廟可容樗
散。夷衣冠猶識舊仙郎。五羊詞藻多增色。賸
有春花二月香。

重經飛來寺值雨

往時獨上飛來寺。今歲歸來寒雨多。野興却
嫌風景殺。壯心祇恐歲時過。青山笑客初緣
薄。白日驅人奈爾何。見說秣陵山色好。雨花
臺下細摩娑。

芋原陪張犀浦小酌

騶駱城邊春水深。野人宵傍紫薇陰。酒杯邂逅
三山雨。碁局留連萬里心。豈爲中郎能倒
屣。却憐鍾子是知音。日南悵望天西北。長劍
還爲梁甫吟。

陪黃文禮遊精巖寺

平生不識法華路。今日聊爲因果遊。曇雨散
花白日靜。蘿烟搖翠青山幽。野僧出定逐雲
去。童子開顏綠客留。何日扁溪結三笑。松陰
石榻好相酬。

舟發芋原承謝仕潔林貞孚楊德周出
餞卽席酬答

嶺表生還夢未安。秣陵何處路瀰漫。故人老
去真難別。客子愁來且盡懽。遠喜旌帷出城
郭。放歌舟楫倚江湍。洛中耆舊思公輩。便擬
東歸築社壇。

宿茆山上宮

瑤宇青蓮控夕曛。洞霄高處謁茆君。紫霞飛
擁蓬瀛路。華蓋光搖象緯文。龍窟水腥千嶂
雨。鶴巢夜氣半間雲。先天只在心齋裏。隱隱
疎鐘世外聞。

幕府晚眺

索居幕府愧無聞。獨鶴淒淒悲失羣。
落木高風寒積雪。荒庭衰草暝愁雲。
長鑱未赴西山約。短劍還看北斗文。
爲問傳岩操築者。何緣隨夢見明君。

春日登雨花臺

城南山色寺爭麗。臺上何年天雨花。
六代江河流日月。三吳草木老烟霞。
瞿曇漫說維摩詰。優鉢空聞尸葉迦。
法雨飛花零亂處。莫辭尊酒對韶華。

清明日遊北禪雲竅

青山誰鑿圓明竅。萬古雲歸混沌天。
曇磴暖消花雨氣。洞門深繞梵香烟。
載酒恰逢百五。日叅禪休問六千。
捫蘿采秀銷憂得。石上三生意惘然。

檄下改秋官郎中

海上歸來鬢欲絲。幕賓又上白雲司。衣冠頗
識仙郎舊。樛櫟猶蒙 聖主知。短劍星文重。
自拭長途老馬笑。應遲已切。唐介生還喜。敢
謂馮郎白首悲。

送郭世重之南寧

紫山秋色正蕭森。百粵風烟別思深。異域第
兄悲聚散。幾年湖海共浮沉。朱旛遠度三湘
水。驄馬曾馳八桂林。西望伏波銅柱近。許君
莫負歲寒心。

秋夜部直

城上烏啼夜角悲。孤燈深坐白雲司。風高楊
子烟波迥。露冷鍾陵草木衰。讀罷楚騷憐屈
宋。夢回虞典想臯夔。旅魂秋思增飄泊。起步
松陰月影遲。

贈喬侍御擢陝西叅伯

使車西出動皇華。渭澗江雲天一涯。南國已

清驄馬轡東風初放紫薇花夜深隴月臨關
戍寒盡兔春入塞笳爲報召公分陝地甘棠
又見暮陰斜

送蕭鎮南

昔年鼓柁澄江上。爲爾狂歌斌姥春。瘴海別
來驚歲月。白門相見動心神。芳洲暮雨蘼蕪
綠。遠棹輕風楊柳新。綵筆傳聞多氣象。江湖
誰是眼青人。

自金陵還家復值歲除

二年轉徙無寧居。兩度還家值歲除。爆竹椒
花仍舊俗。衰顏短髮不如初。溪山信宿春相
見。桑梓年華意未疎。便向籬傍添水檻。終焉
歸釣峴江魚。

山樓新成

懶性衰遲戀故山。小樓新築擬投閒。歲寒結
侶松筠在。日暮招羣鷓鶴還。觀化飄飄滄海

外放歌隱隱白雲間。從今滿漱流霞液。洗却
浮生塵土顏。

登普定城樓

千峯飛翠繞孤城。六月層樓暑氣清。地勢尤
牙連越雋。天涯鳥道入昆明。關山日暮殊方
眼。戎馬時艱逆旅情。回首長安心獨折。愁雲
不見雁南征。

新秋曉望

昨夜西風起。庭樹曉來秋色到。邊關溪山上
下。烟光裏。鴈鶉縱橫碧落間。番郡兩年雙鬢
改。幔亭九曲幾時還。不堪宋玉悲搖落。獨坐
山堂清旅顏。

中秋散步

清宵月色不勝寒。萬里清愁獨倚欄。滿地金
波秋水迥中天。玉露桂華溥瓊樓高處誰相
約。寶劍閒來且自看。欲泛靈槎訪牛斗。銀河

人瑞翁集
猶恐動波瀾

• 丁酉諸司入覲余以邊郡獨留弗與念
違闕下數載悵然感賦

郡國諸侯同述職孤臣翹首五雲深
風烟獨卧分符地犬馬空懷戀
闕心春殿夢回香袖煖
天門想像日華臨何緣便藉雙鳧影
萬里飄飄到上林

郡圃何陋亭舊濱墻隅隘且敝余撤而
新之移于正方落成賦此一首

天畔孤亭開郡圃邊城春靜愜幽棲
倚欄面靣雲山出步履離離草樹齊
馴鳥等閒窺竹澗野花饒笑雜蔬畦
綠渠更切故園想三逕
清秋夢不迷

留別番郡吏民

兩載行春春未足吏民相送莫相悲
淵明自笑歸來晚何武焉知去後思
在泮誰能歌魯

頌甫田頗憶說函詩新橋綠水長堤路回首
東風去馬遲

●贈田西臯參戎

燕臺舊識嫖姚騎邊塞忻逢虎豹關劍氣
來冲北斗陣雲今已淨西山相携感慨十年
夢自愧飄零萬里還知爾封侯談笑裏何時
報我斬樓蘭

渡湘

萬山驅馬黔陽路五月移舟湘水濤漢賦空
遺賈生恨楚騷猶見屈平心風波漠漠鴻冥
遠烟雨瀟瀟竹淚深詞客歸來還自慰渡江
高唱水龍吟

春日卽事

東風噓暖到山家自笑逢春鬢已華谷口舊
巢千歲鶴岩前新種四時花頗於林壑日相
得獨念兒孫天一涯懷抱好開復惆悵楚雲

雁影杳長沙

溪源夜宿

溪雲飛舄訪真源。溪上仙風清客魂。
石倚松臨嶠岵哀泉度壑弄潺湲。蛟龍洞口如相
見。虎豹庭前不敢喧。高閣夜深聞磬杳。青鸞
隨月到玄門。

暮秋偕林處士遊石松寺

翠旗峯下叢林晚。西館相携眼倍明。
天迴風高雙鳥逸。江空木落萬山清。
秋容已縱烟霞老。野色偏饒杖屨輕。
誰信昨非今更是。我今方得古人情。

聞林貞孚起用

千尋榕樹蟠江曲。萬里徵書動海濱。
丘壑軍忘謝太傅。衣冠舊識范純仁。
平生不忝承家操。此日誰拚報主身。
岑寂碧山吾已老。幡然爲爾破愁顰。

山行見梅

老卧山窓晝起遲。山中香影滿南枝。興尋側
逕迂。芒屨笑被迴風倒。接籬獨樹幾經冬。不
改。寒花新與我相期。年來謝絕雲霄侶。春意
淒清祇自知。

答借閑兄見贈兼謝惠鱉

吾家卧榻塵不侵。明月照見白衣衾。洛社風
流君最長。蘭亭疎放我同心。隴頭杖屨新苗
綠。江上鳧鷗芳草深。惠我周詩魚鱉意。明朝
呼酒共招尋。

張廷彝大司馬見訪奉贈

江門散步望江天。雲水應於懶性便。落日漁
樵相款款。高風鵬鷲正翩翩。憐公野雪山陰
興。老我白駒空谷篇。花逕掃除清坐榻。竹窓
吹起煮茶烟。

其二

仙奕臺前拄短筇。偃旗屋上有高峯。烟霞萬壑。烟花嬌。山雨一番。山翠濃。元老登臨生氣。象野人欵接。笑從容。廟堂他日詢耆舊。勿謂西江有卧龍。

內誕日答陳會極茂才

拂衣爲愛舊青山。春曉山風掃石壇。花下獨慙雙鬢白。日邊猶負寸心丹。糟糠舉案惟蔬糲。冠蓋當筵有麝蘭。已作鹿門長往計。百年家室盡餘歡。

答劉彥璋

綠野江天喜再逢。江亭清興未爲窮。神交倉頡皇墳上。愁破奕秋仙品中。短髮渾忘今夕白。疎燈不厭夜深紅。角巾霜露歸何速。門外蕭蕭落葉風。

重九前一日黃永貽蟹栗諸品次韻奉

謝

月鳥翔風下草堂
恰逢明日是重陽
撥爐煨栗看童喜
酌酒烹螯對婦嘗
適興好酬佳節
醉放歌自笑暮年狂
白衣果解淵明意
不負東籬菊有香

喜董令尹林郡丞黃文學一時見過

柴門長掩草玄廬
今日欣迎長者車
十載風塵驚髮鬢
一時丘壑聚琴書
山花頗足登臨興
江草聊將懶慢居
溪岸野橋雲樹接
莫教巾屨往來疎

錦溪小築山堂成次韻答林處士

野人寄傲丹丘頂
小結茅茨四五間
陶令新栽彭澤柳
龐公舊隱鹿門山
松風澗水聲蕭颯
溪友園翁日往還
老我餘生藉疎濶
岩扉霄漢坐中看

春遊石松寺

法真松下法華境
春半登臨春可憐
野翠兼

天飛雨外峯霞接地落花前林丘且畢餘生
志杖屨聊隨未了緣謾向虎溪結三笑揭來
瀟灑是安禪

次黃世揚韻

青藜扶醉陟層岡愛爾山中日月長鶴侶共
邀千載約鳳毛今向五雲翔巾袍半染烟霞
氣几席還依薜荔香欲問鹿門耆舊處吾鄉
亦自有襄陽

答劉雙池

晴光散雨釀春和詞客開顏同笑歌天外青
山江意遠庭前綠樹鳥聲多塵踪已入白雲
社聖世不揚滄海波花木一亭誰是伴清
風半榻待君過

至日書懷

谷口風高短景催茲晨又報一陽回身辭朱
紱十年夢手植紅梅幾度開混俗未能長閉

戶觀雲不厭獨登臺。山中稍喜冰霜少，得伴
松林舞鶴來。

首夏泛舟錦溪次本隆韻

春事蹉跎風雨外。小舟今爲看山來。蒼松崖
壑已朱夏。白首杖藜非壯懷。樽酒未虛元亮
徑。釣竿久傍子陵臺。清渠錦水遙相映。風雅
含情羨爾才。

喜曾孫生

卧起山窓晝正暝。傳家又喜有曾孫。黃雞白
酒籬邊菊。翠壁丹崖谷口村。八表三春隨潦
倒。一門四代笑溫存。詩書世業衣冠冑。願祝
華封報至尊。

送楚孫春試

翠壁丹楓出水湄。征帆遠赴杏園期。風烟眼
底孤鴻杳。琴劍行邊匹馬遲。經世文章誰董
賈。格天事業有臯夔。金門父祖塵蹤舊。聽汝

臚傳步玉墀

登九仙觀

九鯉停驂海上山，夾城路遶雨花間。
落霞零亂朝元閣，古木蕭森函谷關。
杖影飄飄龍化去，簫聲隱隱鳳飛還。
東樓憶昔琴書靜，坐擁天風十二欄。

首夏山居酬陳會極見貽之作

風松高撼澗濤聲，宿霧香浮碣石隈。
愛此溪山相陟降，老子杖屨漫追陪。
谷聲上下聞啼鳥，天氣陰晴報熟梅。
忽聽朱絃徐奏雅，仰看雲漢影昭回。

何廉甫刺史鄧世喬別駕枉顧贈詩次

韻奉答

秋高冉冉山中暮，上客飄飄物外情。
雲氣偶從岩石出，松風旋作海濤鳴。
杖藜不厭層巖濕，尊酒相看返照晴。
仰聽颼颼動霄漢，朱絃

縷縷奏金聲

病起

病起塵蒙烏角巾。夢回方識杪秋晨。可憐伏
枕經三月。自笑捫鬚已九旬。瘦骨總非前日
態。老懷猶是本來真。杖藜潦倒聊乘化。莫問
松筠更幾春。

春日江亭卽事

老愛春山化日長。山中却笑爲春忙。柴門小
整臨江岸。荔圃旋培護野堂。款客頗能基對
局。開樽何厭酒先嘗。夜來猶夢南宮誥。記索
中庸第一章。

訓董山人花朝有作

山翁何有罄交歡。見說花朝興未闌。老眼笑
看渾似霧。小童扶步便於鞍。不嫌芳草迷幽
徑。最愛香風破曉寒。日暮未愁遲莫迫。洞天
自覺海天寬。

人瑞翁集
九一
病起卽事示憲兒起兒价夫薦夫二外
孫

病軀老迫歲深期獨喜春風願不違喬木烟
蘿人靜處小樓燕雀日高時行厨已報晨炊
熟卧榻方驚午夢遲賴有兒孫供筆札碧桃
花下寫新詩

●奉謝劉中丞商侍御建百歲坊

翠旗谷口萬松風喘息猶存一老翁詎意夔

龍黃閣上猶憐園綺白雲中擎天華表三山
壯醉日桑榆百歲紅願借末光垂晚照康衢
朝暮頌華封

人瑞翁集

閩中百四歲翁林春澤著

同邑後學孫昌裔較

七言絕句

· 昌平途中大風

昨日居庸萬馬回
鐵衣猶帶戰塵來
潑天黃霧迷清晝
吹入長安暗未開

部署小園蒔蔬

翳翳槐陰繞舍西，青青藜莧一時齊。
塵甍愛汝藉疎謔，汲取井泉時灌畦。

。竟達樓一首

青山高閣故人家，流水春深泛落花。
欲問鹿門何處是，白雲相對葛巾斜。

渡江望金陵三首

大江西北潑天來，江上風吹駭浪颺。
山色遠盤龍虎勢，神都秀出鳳凰臺。

其二

六月江風涼似秋，青山兩岸夾江流。
南來山水秀可掇，日暮龍橋繫客舟。

其三

上清河頭楊柳陰，吳姬壓酒歌吳音。
金陵子弟繫輕舸，笑擲金龜索酒斟。

永寧道

七溪嶺頭千萬峯，東風吹散煙濛濛。
濛濛無處深

山春不到山梅半落山桃紅

題坡仙話禪圖

刺史當年腸已斷舞衣今日色歸空空空色
色歸何處回首西湖明月中

曲江祠

芙蓉山下曲江頭丞相祠堂草樹秋夷甫從
來識石勒漁陽鞞鼓使人愁

訪黃明府吳司教于隆安寺山行

春山十里鬱蒼蒼古木垂藤花有香獨往上
方尋二妙香風輕透薜蘿裳

其二

山花錯落散餘霞山澗縈紆石逕斜明府愛
山僧愛客新泉旋汲瀹新茶

喜玄孫生口占

傳家二十有三世老我百年仍四春爲報玄
孫湯餅會問渠高祖是何人



